

22V
3250

DEVOCIOZCO EJERCICIOA
Iñauteetaco iru egunetan
JESUSI EMATEN ZAYOZCAN
NAIGABEAC ARINTZECO.



ES PROPIEDAD.

Obispo jaunaren baimenarequin.

TOLOSAN
FRANCISCO MUGUERZA-REN MOLDIZTEGUIAN
1890 garren urtean.

IÑAUTEETACO IRU EGUNETAN

JESUSI EMATEN ZAYOZCAN NAIGABEAC ARINTZECO.

Gurutze santuaren, etc.....

Zeruetaco Jaun, Sacramentu Santuan zaudena! Ona emen non natorren zure oñetara, nere biyotzian pecatuen damua, eta zuganaco amorioa dacaizquidala. Ecusten det, nere anayetaco asco eta ascoc, gaurco egunian, ezagutu nai etzaituztela, eta atsecabez betetzen zaituztela. Beragatic natorquizu, esqueintzera nere biyotza eta naizan guziya, nolabait-ere ariñtzeco, aldedana eguiñaz, artzen dituzun atsecabeac; eta dembora berean escatzen dizquitzut nere anay oyen animentzat arguiya, erruquiya eta barcacioa. Lagun zadazu zuc, Joh Maria, nere eta peccatori gucien ama maitea! erregu auec, nic mereci ezpadet ere, ontzat artuac izan ditecen Jaungoicoaren tronuaren aurrean. San José Gloriosua, nere eta erri onetaco Patroi eta abogadu santuac; Tabernaculuaren bardadea inguratzen, ordu onetan millaca zaudenten aingueru santuac; zuc batez ere, nere, eta erregu auetan parte izatea nai dedanen Aingueru Guardacoac, bitarteco jarri zaitezte, eta escatu ezazute, beragatic eta nigatic, izan dediñ Jaungoicoaren gloriarie aundieneraco, nere eta peccatori gassoen oneraco, orain eguitera noana, Jesus maitearen atsecabeac ariñtzeco.

LENENGO EGUNA.

MEDITACIOA.

Egun auetan eguiten diran pecatuen anditasunaren gañian.

I.

Beguiria ezazu contuz anima nerea, ez ote daucazun arrazoiric asco, eta gueyegui ere, esqueiñtzeco Jaungoicozco zure esposo Jesusi, eguiñ aldezaquezun gucia, ariñtzeco iñauteetaco egun deabruzco auetan artzen dituan atsecabeac. Badiruri, Satanas, egun auetan, eguiñ dala berriro munduaren jabe, bada asco dira, bata-bestiaren leyan, bere serbitzari becela azaltzen diranac. Esan bazuan ere gure Salbatzalle Jesusec: *Nunc princeps hujus mundi ejicietur foras. Orain mundu onetaco nagusia (au da Deabrua) campora botea izango da.* Eguiyaz diruriyena da, egun auetaco cristau ascoren ibillerac guezurtatzen dituztela Jesusen itzoyec. Evangelio santuaren lecuan diruri jarri dala legue berri bat, mandamentu berriyac, eta adoracio berri bat. Eztá arquitzen ecer-ere, eguiñ eciñ ditequenic; edocer gauza eguiteco baimen edo licencia bereala arquitzen da; Jaungoicoac eta Eleizac utzi balute bezela alde batera egun auetan, daucaten nagusitasun eta aguimpidea leguearen eta conciencien gañian. Guerra eguiten zayo Religioari, bere misterioric santuen eta aundiye naz

farra eguiñaz: guerra aingueruzco virtute casti-
 dadiari, cale eta plaza genteric gueyen daudene-
 tan. Jaungoicoaren semea etorrico balitz ibillera
 nazcagarri auec ecustera, galdetuco luque duda-
 ric gabe, penaz beteric: «¡Cer! ¿Auec dirá Nic
 » nere odolarequiñ etsayaren mendetic atera ni-
 » tuan semeac? ¿auec nere graciaren bidez
 » deitu nituanac? ¿auec nere batayoarequiñ
 » sillatu nituanac »? ¡Bay Jaungoico nerea; bay
 Jesus nerea; bay nere animaren esposoa! Auec di-
 ra. Baña ez Zuc jarri eiñucen becela, zure antza
 edo imagiña beracgan daucatela; baicic beren
 etsay Luzbelec ipiñi dituan becela, bere ichura
 arturic, bere antzeco biurturic. Auec dira; baña
 ez dira oraiñ cristauac, baicic berriro gentill
 eguiñac, beracgatic Zu ill ez baciñan becela.
 ¡Oh Jesus nere ondasun gucia, eta ala ere ain
 despreciatua! ¡Oh Odol osticopian zapaldua!
 ¡Oh Gurutze santua, ain gorrotatua eta ez ezagu-
 tua! ¡Oh esquergabequeri izugarrizcoa!

II.

Pensa ezazu ondo, anima nerea, nola, urtearen
 egun guciyetan eguiten badira ere pecatuac, egun
 auetan eguiten diranac, dirala, esan ditugun arra-
 zoy edo motivoacgatic, andiangoac, ugariyagoac
 eta Jaungoicoaren ondra eciñ-gueyagoraño ostico-
 peratzen dutenac. ¿Garizumaren azqueneco asteari
 deitzen diyogu Pasioco astea? Bay, ala deitzen
 diyogu. Baña ez aste ura, baicic oraingo au da
 eguiyaz Jesusentzat Pasioco astea. Arrazoy an-

diyareguin Eleiza Ama Santac jartzen du zaldun-
 ñaute eguneco mezan araco évangelio, esaten
 diguna: *Ecce ascendimus Jerosolymam*: ona non
 goacen Jerusalenera: egun onetaraco ipiñiya di-
 ruri. Bay, biurtzen guera Jerusalenera, bagoaz
 berriz calvariora, berrizatzen diogu Jesusi, ju-
 duac eman cioten eriotza; baña lenengoan baño bi-
 yotzeco gogortasun aundiyagoarequin, bada oraiñ
 ez dira juduac, baicic cristabac; Jesus illtzen du-
 tenac. Bay: Jesusi, bere arpeguia chistuz ciquin-
 tzen zayo, baita ere matrellecoz zauritu: Jesus
 gurutzean josten da, eta an berari farra eta burla
 eguiten zayo. Emendic aditzen ditudan deadar
 eta zaratac, dira arrazoigabeco guizon, Jesusi ba-
 ño Barrabas goiztoari jarraitzea nayago dutenenac.
 Or dabilta guiza talde engañatuac, Jesusi burla
 eguiñaz, bere icen santua madaricatuaz, eta bere
 biotza saminduaz. ¡Oh nere Jesus maitea! ¡Zu,
 bacarric emen, lotsaturic bezala, aimbeste gaizta-
 queri ecustian! ¡Zu, bacarric emen, adisquide le-
 yal apur batzuequin, ceñac, eguiaz diran guchi,
 bay guciz guchi, comparatzeco beste or dabiltzan
 conta eciñal oyequiñ, zu gorrotatuaz, edo gu-
 chienaz benepiñ, zuzaz, ezpaciña baño gueyago,
 oroitu gabe. !Ah! poztu zaite nere Jusus guciz
 maitea, nic eguiten dizquitzudan obsequioaquin,
 berez ecer-ezac badira ere, eta barca ezazu. Iduqui
 itzatzu aurrera ere zabalic zure escuac, artzeco
 zugana biotz amorosoarequin, aimbeste esquer
 gaiztoco, baldin gueroago zugana biurtzen badira.
 Esqueiñtzen dizut nere biotza; esca zadazu nai
 dezun gauza, danic eta gaitzena ere, bada pozic

eguiñgo det, zuri egun auetan quentzen dizuten hondra, atzera biyurtzeagatic. ¡Ay esqueñi albanedi naizan gucia aldare orretan, zuri atsecabeac ariñdu, eta nere anai pecatari doacabeai graciac irichi, eguiteagatic!

Emen bacoitza esqueñico zayo debocio aundiya-requin Jesus sacramentatuaren biyotzari, egun auetan eguiten diran pecatuen penitencian, ontzat artuaz pecatu oyen ordañaz, Jaungoicoac bialdu deguiquion edoceiñ gaitz eta naigabe.

Emen errezatuco da Estacio nausiya, eta guero ondorengo

Esqueñi eta erreguac.

¡Jesu-Cristo nere Jauna! Nere anai pecatari gassoacgatic, nator lasterca zure oñetara, escatzera berentzat zure gracia, biotzetic damutu, eta, semeac aitagana becela, zugana confianza aundiya-requiñ biyurtu ditecen

Barca eguiyexu Jauna.

Beguiria nola aimbeste pecatari doacabec, beren lasaitasun eta ibillera nascagarrirequiñ, beren anima gassoac ciquintzen dituzten; baña zure amaren jatorrizco graciagatic, eta ama izanta ere, virgiña zalaric, izan zuan garbitasun aingueruz-coagatic

Barca eguiyexu Jauna.

¡Ah! or dabilitza mundua eta deabrua adoratuaz, jantzi baliyo aundico eta gueyeguizcoequin; ba-

ña zure jayotzaco pobreza-gatic, eta lenengo urteetan eguiñ cenduan bicitza illunagatic

Barca eguiyezu Jauna.

Beguiracune lasaiyac eguiñaz eta eguiñ-eraci-yaz, eta beren izqueta loyequin garbitasuneco virtutea. eta cristauari dagoquion lotsa santua osticoperatuaz or dabilta; baña beguira Jauna, zure beguiyac etziotela beñere gauza charri beguiratu, eta zure mingañac, itz eguiñ zuan gucian, ejemplo ona eman zuala; zure beguiracune gozo eta atseguñac-gatic bada, eta zure itzequiñ eman cinducen ejemploac-gatic

Barca eguiyezu Jauna.

Zugatic eguiñ bear luqueena, eguiten dute munduagatic eta araguiyagatic, berai jarraituaz osasuna galtzeraño, baña pecatarien billa eman ciñuzan pausoagatic, ayec salvatzeco artu ciñuzan nequeac-gatic, evangelio santua predicatzen igaro ciñuzan atsecabe eta egarriagatic

Barca eguiyezu Jauna.

Amorezco sacramentu orretan, eta aldarean bertan, aimbeste-eta aimbeste, naigabez betetzen zaituzte egun auetan; baña au gucia cenequiyela eguiñ cenduan azqueneco afariyan sacramentu au. Orduan, bada, aguertu cenduan amoriyo aiñ aundiagatic

Barca eguiyezu Jauna.

Jetsemanico baratza santutic icusten cinducen arguiro egun auetaco gaiztaqueri neurri gabeac,

eta berac-gatic biyotza oso samiñdu citzaitzun; samiñtasun onegatic, bada, eta gaur aimbeste doacabec berristatzen dizuten, Judasen laztan guezurrezcoagatic

Barca equiyezu Jauna.

Juduac berac baño ere gaiztoago dira Jauna, egun auetan zure pasioa berristatzen dizuten cristauac;baña eman cizuten matrellacoa-gatic, zure azote eta arantzazco coroagatic, eta Juduac eraman erazo cizuten gurutze lotsagarriagatic

Barca equiyezu Jauna.

Iru aldiz ucatu ciñuzan Pedroc, nescame batec salatu zualaco: baña ¿cembat cristauc, cembat aldiz, eta nolaco naigabeac emanaz, etzaituzte ucatzen, biyotzeco gogortasun gueyagorequiñ, cristauaren icenaz eta izateaz ernegaturic? ¿Eta ori, zure semeac izanic? Baña ala ere Apostolu beldurtiac eman cizun atsecabeagatic

Barca equiyezu Jauna.

Eguia da Jauna, egun auetan dabiltzala, zure ezagüeraric ere gabe, zuzaz azturic; berac-gatic ecer sufritu ezpacendu bezala; berac-gatic ez ill eta ez piztu eguiñ ezpaciña becela; baña gurutzian esan ciñuzan zazpi itzac-gatic: an bertan eman cizuten ozpiñ eta beasunagatic; zure ama maiteac zuc icusten cenduala, issuri cituan negar-malcoac-gatic, zure agonía eta asqueneco asnasagatic

Barca equiyezu Jauna.

ORACIOA.

¡Oh Jesu-Cristo nere Jauna! Ezagutzen det nere anai gassoac, beren ichumen aundiyarequiñ, eta beren zorigaiztoan, zuri gloria modurembaten quentzen dizutela; baña artu itzatzu gaiztaqueri onen ordañaz nere esqueñi eta erreguac, bada badaquit ciur, zure biotz erruquitsuac ontzat eman-go dituala. Erruquitu zaite Jesus nereea, zure seme oyezaz, bada zure odolaren costuz erosiyaç dituzu; barca eguiyezu, egun baten gozoro laztan zaitzaten. Amen.

BIGARREN EGUNA,

*Gurutze santuaren etc.....eta ¡Zeruetaco
Jaun.....lenengo egunian becela.*

MEDITACIOA.

**Asco dirala, egui-eguiyaz, Iñauteetaco
egun auetan, galtzen diran animac.**

I.

¡Oh cristava! Ezpadira asco zure biyotza esnaatzeco, egun auetan, gueldi-une bat ere gabe, Jaungoicoari eguiten zayozcan deshondrac, esnaá zaitte beñepeñ icustian, asco eta asco dirala, zure anai betico galtzen diranac, egun auetaco gaiztaqueri gueyeguizcoacgatic. Icusico bacendu zure esquerescuyetan erortzen dirala millaca guizonac, cole-

ra edo beste edoceiñ gaitzec jo ditualaco, icaratu eta beldurtuco ciñaque eguiyaz; baña gueyago icaratu eta beldurtu bear cenduque, icustian, ceiñ asco diran, animaco gaitz edo pecatuac joric, gaurco egunian betico galtzera dijoacenac. Esango dezu menturaz, projimoa zure burua becela amatzen dezula; eta ¿etzaizquitzu buruco illeac beldur ta icaraz chututzen aimbeste anima galtzen icusita? Eta anima gasso oyetaco bat edo gueyago aldendu albaditzaquetzu condenacioco bidetic, ¿ez dezu ecercho ere eguiñgo orretaraco? Bay cristava: zure escuan daucazu oyec condenacioco bidetic aldentzea ¿badaquizu nola? Erregutuaz berac-gatic Sacramentu santu aldarecoan dagoan Jesusi. Jaungoico gure Jaunac nai izan du, guerotaco bacoitza izatea, oracioaren bitartez, gueron anayen salvatzalle. Salva itzatzu bada zuc ere alditzaquetzunac, iñauteetaco egun zori-gaiztoco auetan. ¡Jesu-Cristo nere Jauna! Icusi itzatzu anima gasso oyec, zugandic aldenduric, eta pecatua-ren illuntasunean, ceiñ gaizqui arquitzen dirán. Nere erreguac mereci ezpadute ere, bialdu eguiyezu zure arguiyaren pussca bat, icusi dezaten ceiñ arriscu andiyan arquitzen diran; baita ere bear duten laguntza arriscu orretatic irtetzeco. ¡Beguira Jauna! zure etsay, deabrua, poztutzen dala eciñ gueyagoraño, egun auetan, animac galduaz, ateratzen duan irabaciyarequin. Ez bedi izan alferricocoa zure odolaren valioa, aimbeste, beren zorigaitzean, peccatari diranentzaco, bada ayec-gatic ere, nigatic bezala issuri dezu zure odola.

II.

Beguiria ezazu contuz, anima nerea, nolaco sare egoquiyac, animac arrapatzeco botatzen dituzten ogun auetan, munduac, demonioac eta araguiyac; eta nolaco erraztasun negargarriarequin, anima auec, aetan erortzen uzten diran. Libertaderic lotsagarrienari ematen zayo umore onaren icena; griña charrai lasaitasun guciya ematen bazaye, esaten da egun auec orretaraco dirala. Lujuria nazcagarriya, animac ondatu, gorputzac galdu, eta guciac desonratu eguiten dituana, da, egun auetan esaten danez, gaitz gabeco jolas bat, dembora pasatzeco. Badiruri Infernuac, bere cirquillu gucietatic, botatzen duala lurrera pecatuaren lurrun galgarriya, eta biyotz asco eta ascoc lurrun au irentsitzen dutela. ¡Ah! ¡cembatec, menturaz orain artian Jaungoicoa servitzen vicitu ondoan, egun auetan eztute irentsico pecatuaren pozoio edo menenua, eguin erazico diena vicitza negargarri bat, eta eriotza negargarriyagoa, beti-betico infernuratuco dituana? Bay, lenengo urteac, Jaungoicoa servitzen; zorigaiztoco egun auetan bera ofenditzen; emendic aurreraco dembora gucia pecatuan, zaartzen dirala gaiztaqueri gucietan, eta iltzen dirala pecatariyaren eriotzarequin. ¡Ah cembatentzat izango diran egun autaco ibillera gaiztoac, beren condenacioaren asiera! ¡Oh nere Jaun eta Jaungoicoa! Zugana nator, escatzera gracia eta misericordiya anima oyentzat, bada oraindic Zugana biyurtu ditezque eguiyazco damuaren bitartez. Erruquitu zaitte beráaz, gogoraturic gazteac

dirala, munduco berri ez daquitela, beren griña charrac zoratzen dituztela, deabruac milla asmo gaizto requiñ inguratzen dituala, eta mundu guezurtiac bere esaera guezurrezcoac sinistu erazten disquiela. Eguiyezu Jauna, beguiracune erruquizco bat, salvacioco bidetic aldenduric dabilzan oyei. Bialtzen badiyezu zure arguiyaren pussca bat, onequiñ menturaz biurtuco dirá zugana, eta izango dirá zure artaldeco ardiric leyalenac. Aditu eguizquidatzu berac-gatic eguiten dizguitzudan erreguac; artu ezazu beren oneraco nic eguiten (*edo eguingo*) dedan comunio santua. Esqueintzen dizguitzut ere berac-gatic nere osasuna, nere onra eta nere biciya, ayen pecatuen zorraren ordañaz: bada, asco ezpadira ere, oyequin anima bacar bat zugana biyurtu albanezaque, pozic guciac eman-go ditut. Amen.



IRUGARREN EGUNA.

*Gurutze santuaren etc.....eta ;Zeruetaco
Jann.....lenengo egunian bezela.*

MEDITACIOA.

**Cembat estimatzen duan Jaungoico gure
Jaunac, pecatariac quentzen dioten
honra, guc atzera berari bi-
yurtzia, eta pecatari oyec
gatic erregutzia.**

I.

Balequique guizonac, cein gogo onaz beguiratzen dituan Jaungoico gure Jaunac beren eguinalac, pecatariac ematen diozcaten nai-gabeac ariintzeco, ascoz gueyago izango liraque eguinquizun atseguin onetan, bere adisquideric leyalenac bezela, sayatuco liraquenac. Gauza jaquiña da, ambat eta gueyago estimatzen degula mesede bat, cembat eta andiyagoa dan, eta cembat eta guchiagotan eguin oi dan. Orduan icusten da arguiro eguiazco adisquidetasuna, eta ondo-nai biyotzeticacua, beñere baño obequi aguertzen dana. Contura zaite, bada, cein gozoro icusico dituan Jesus onac, egun aue-tan berari lagun eguiten igaro dituzun orduac, mundutarrac pecatuetan, edo beñepeñ, burubaqueri, eta pecatuco arriscuetan dabilizan bitartian. Iduritzen zait icusten nagoala, nola gure Jesus maitearen biyotza dijoan bere tabernaculu edo

bici-lecu ezcucotic, urreratuaz beñere baño amoriyo gueyagorequiñ bere adisquide leyalengana, aditzen ematera bere poza, eta pagatzera bere caridadearen doai berriac-quiñ, aguertu diyoten borondatia, aiñ laster, juan zaizquiolaco, mundutarren pecatuac-gatic satisfacio eman eta bere biyotz samindua alaitzera. ¡Ah nola poztuco dituan ceruco esposo onec, anima auec beren estuasunetan, oraiñ lagun eguiñ diotelaco bere bacardadian! ¡Ah nola lagun eguingo dien beren tristura-aldiyetan adisquideric onen onec! Bay; Jaungoico gure Jaunarén biyotz amoriotsuac gaciz gogoan daqui iduquitzen bere honran eguiten diran gauzaric chiquienac ere, eta bera da ere, iñor ez becelacoa, ugaritasun andiaquin pagatzen. ¡Anima nerea! Eguizu aleguiñ gucia Jesus maitearen adisquide leyala izatera, bada icusten dezu ceñ ascoc esquerric gaiztoenaz erantzunaz ofenditzen duten, eta cembatec ere daucaten azturic, lurreco gauzai oso emanic bici diralaco. Gueitu ezazu zurgan animen salvacioaren egarria, sutu zure devocioa, iracequi gueyago eta gueyago Jesusganaco amorioa; eta onela ordañduco dizquiotzu zure salvatzalle adoragarriyari, munduac, demonioac eta araguiyac egun auetan ostutzen diozcaten adoracioac. Saya zaite onetan, beñere baño gueyago, gaur, azqueneco eguna dan ezquero, eta ez dezu damu izango zure azqueneco orduan Jesus ofendituaren adisquide leyal beti bici izana.

II.

Beguiraz ezazu nola dijoacen peccatori doacabeac,

ichuturic, eta zoraturic, Satanaz, infernuco buruzayaren banderaren ondorian. Ez dezu bada guchiago irabacico, anima nerea, egun auetan, batez ere azqueneco onetan eguiñ dezun aleguiñaz oyec-gatic erregutzen. Jaungoico gure Jaunac gueyen estimatzen duana da, bere honra eta gloria, gauzaric estimagarrienac diran bezela; baña auen ondoren, bere deseoric biciyena da, guizonen salvacioa, bada ceruraco eguiñ cituan eta eyec-gatic bere odol gucia issurri zuan. Eta icusten du beragatic biyotzeco samintasunic aundiyeñarequin, nola dijoacen lasterca infernuco bidetic, eta bere justicia zorrotzac betico surtara bota bear dituala. Deica dagoquigu bada, erreguca, deadarca, jarri gaitecen bitarteco oyen eta infernuaren artean, al-
 dendu ditzagun beren bide gaiztoetic, eta biurtu erazo Jesusgana, damuturic, eta bere adisquide eguiñic. Eta orregatic nai du arquitu norbait peccatari oyec-gatic asco orregutuco duana, berac-gatic esqueiñico dana, berac-gatic satisfacio eman eta oyen peccatuac obra onacquiñ ordaiñduco dituana, era onetan Jaungoicoaren misericordiac archi dezan bide erraz eta atseguñ bat, barcatzeco peccatariari, baña bere justicia beticoaren calte gabe. Ala, egon guindezque seguru, Jesusec gueyen estimatuco duan gauza, eta ondoren pagatuco duana, izango dala, cristau onac, Jaungoicoagnaco bitarteco jarriric, beren anai peccatariac-gatic eguintaco erreguac. Jesusec erosi gaitu bere odolarequiñ. ¿Nai diogu lagun eguiñ erredentzioco lan onetan, berarequiñ batean erredentore eguiten guerala, erredentzioco frutuac gure anai peccata-

rien animetara eldu eracitzeco? Say-agaitean bada, eta irichico degu oracioarequiñ, pacienciarequiñ eta penitenciarequiñ. ¡Oh Redentore maite nerea, eta nere anai peccatariena! Nai nuque nic ere erredentore izatea, eta uste det irichico dedala mesede au, zure misericordia neurri-gabearen bidez: Irichi dezadala nic zugana biyurtzia, Satanasec ostu dizquitzun anima galdu oyetaco bat, bada ere; irichi dezadala nereerregu eta penitenciac-quiñ, aundiyac ezpadira ere, zure graciaren biotz-uqitu bat oyetacorembatentzat, inauteetaco egun auetan! ¡Jarri zaitezte nere alde Zu, Maria, ceruco erreguiña, eta peccatarien ama; aingueru eta santuac, erri onetaco Patroiac; eta Jaungoicoagandic aldenduric dabil-tzan nere anai zorigaiztocoen aingueru guarda-coac! Ipiñi itzatzute nere erregu azqueneco aucc Jaungoicoaren aurrean, eta irichi dezatela berac zuen escuetatic dijoacelaco, bestela menturaz nere merecimentu ecer-ezac-gatic irichi ecingo luquetena. Amen.

